

# CANTIC

## ITRON-VARIA LANN-RIOT

---

Ton : *Ni hod salud stereden vor*

DISKAN :

Henor da Verc'hez Lann-Riot,  
A zo sicour ar martolot,  
Esperans ar mamou christen;  
Ha souten al labourerien.

---

E Moëlan, e ribl ar mor,  
Eur chapelic a zo digor,  
Hag enn hi Guerc'hez Lann-Riot,  
Mari guir vam ar martolot.

O Mari, pa c'houezo an ael,  
Hema zonjo en ho chapel !  
Euz ho chapel, mirit bepred,  
He lestric paour na ve flastret !

E Lann-Riot tal ar mesiou,  
E creiz ar guez hag ho bleuniou,  
Eur chapelic a bign en er,  
Evit nerza al labourer.

Ma skuiz hema gant he labour,  
O Mari, roit prim ho sikour,  
Ha pa bedo en ho chapel,  
Ra zanto ractal ho-skoazél !

An ebestel, var ar mor glaz,  
Guechall ivez a besketas ;  
Mez pesk ne deu en ho rouejou,  
Ken a goms Jesus en autrou.

O Mari, c'houi bedo Jesus,  
Ma vo ouzomp trugarezus ;  
Ha ma lâro vid-omp ar ger  
A ro chans vad d'ar pesketer !

An oll her goar, ar c'hreunen ed  
En douar guechou a ve collet :  
Mez ma zeu Doue da barlant  
E lec'h unan ve cavet cant

C'houi c'houlenno, Guerc'hes Vari,  
Ma brofito hor parkou ni,  
M'hor bezo cant e lec'h unan,  
Da nebeuta, digoll hor poan !

Ho mab Jesus en deuz prijet,  
Gant ho lez pur , beza maget :  
Peb mam ivez en ho chapel,  
A gavo lez vit he bugel.

Penez sonjal en ho Mabic  
Ha dilezel ar bugelic  
A varvo sur, var he barlen  
Ma na roit d'he<sup>e</sup>yam he goulen.

Labourer douar, har martolot  
A zeui a bell da Lann-Riot,  
A ziredo evit pedi  
A ziredo evit meuli !

Mez evidomp ni Molanis,  
Mar hon eus savet hoc'h ilis,  
Bezit mui c'hoas ar Verc'hez ker  
Hon diouallo a bep danjer.

# CANTIC ALL

Ton : *Kelven*

DISKAN :

Santez Mari Mam Doue, patronez Lann-Riot,  
Clevit mouez al labourer, peden ar martolot ;  
Pa skuisimp en hon labour, pa grenimp var ar mour  
Sellit ouzomp a druez, roit d'eomp bepred sicour.

---

Hon tadou koz tud a feiz, tud a religion,  
Var bord ar mor e Molan 'vit ho devotion,  
Ho devoa eur chapelic leshanvet Lann-Riot ;  
Lec'h ma pede calounec couer har martolot.

Eun amzer drist a zeuas, an dud va oue chasetet :  
Dre urs tud fall ha difeiz, ar chapel oue pilet ;  
Mes d'hor Mam atô fidel, ni zeue dar plas santel  
Dirag imach Lann-Riot da c'houlen he skoazel.

Kanomp brema, christenien, kanomp gant joausdet,  
Kanomp gloar ha meuleudi d'ar Verc'hez venniget ;  
Chetu savet a neve chapelic Lann-Riot ;  
Pebez consolatienn evit ar martolot !

Ma'n em gavit var ar mor e danjer ho puez,  
Galvit Mari gant fisians ; hi eo ho rouanez.  
Lavarit a greiz kalon ! O GUERC'HEZ LANN RIOT !  
Ractal Mari zicouro ar paourkez martolôt.

Mad evit an dud a vor, Mari za mad d'an oll,  
N'e deus nemet eun desir, ne zaïo den da goll ;  
Pa vec'h eta trubuillet, gan ar c'hlenvet goasket,  
Pedit devot ar Verc'hez, sur e vec'h confortet.

An hini e deus maget hor Zalver gant he lez,  
Evidoc'h, mamou christen, zo leun a vadelez,  
Mar vank d'eoc'h magadurez 'vit souten ho pugel,  
Deut gant ar brassa fisians da bedi d'he chapel.

Biskoas, eme Sant-Bernard, biskoas ne oue clevet ;  
Eur goulen gret da Vari a vet bet refuset :  
Ar'verc'hez a zo hirio ker galloudec ha dec'h,  
Hag en despet d'an amzer ne ket berreet he brec'h.

Ar Verc'hez dinam a Lourd e menez Pyrene,  
A ziskouez he zrugarez de viraclou bemde ;  
Ar miraclou a velomp e Lourd er Pyrene  
Petra viro n'ho guelimp e Lann Riot ive ?

Evel ar bardonerien a ia leun a fisians  
Da glask buez hac iec'hed dar c'horn-se euz ar Frans,  
Ni a zui d'hor chapelic gant eur fisians neve,  
Da laret hon oll bouaniou a gorf hag a ene.

A vechou eur medesin kaer vo fisiout en han,  
Ne allo gant he skiant hor zicour pa vimp clan ;  
Eun hor poaniou, christenien, ni 'n euz hen amprouet,  
Itron Varia Lann-Riot hor soulajo bepred.

Pet soudart da Lann-Riot, kent PARTIAL GOUESTLET  
Zo bet, bennoz da Vari, er brezel diouallet !  
E creiz danjeriou ar bed, pet e deuz conservet !  
Bursudou a vadelez heb niver e deuz gret.

Pebez avantach eta evidomp, Molanis,  
Hon deuz oll en em glevet da zevel eun ilis  
Eu honor da vam Jesus rouanez an elet  
Prest kaer ato d'hor sicour kerkent ma vo pedet.

Itron-Varia Lann-Riot, refuj ar bec'herien,  
Taulit eur zel a druez var ar bardonerien,  
A re a zo deut hirio, ar re a zeui goude,  
Ma 'zaint d'an env d'ho meuli hed an eternite.